

亥 23
18-64

六科準繩



女科準繩卷二

金壇王肯堂輯 瘦樵程永培校

雜證門上

雜證男女一也此二卷方論出女科書多雜病書所遺故存之耳

虛勞

勞倦所傷用補中益氣湯證治乃暴病也失治而有發熱潮熱盜汗欬嗽諸證出焉謂之虛勞又復失治而有皮聚毛落飲食不為肌膚骨髓中熱經閉不行諸證出焉謂之癆瘵蒸熱至於傳尸之疾別自一種其源不起於勞欲其流或至於滅門余於雜病首冊則既條分而備列矣然男以精為主女以血為主其致病既殊其施治亦異故應別著方法而陳氏良方分勞瘵骨蒸勞血風勞氣虛風勞冷勞熱勞客勞等門未免惑亂後人靡所適從今釐正如左醫者更參雜病虛勞傳尸勞二門而用之則無誤失之患矣

〔初病大法〕〔保〕治婦人虛勞局方中謂首尾六合如大聖散熟地黃丸是治無熱虛勞也中道藥牡丹煎丸空心

食前人參荊芥散臨臥食後是治有熱虛勞也〔戴〕有病後血虛者有本體血虛者其人往來寒熱或五心發熱

言語無力面色痿黃頭目昏暈變生諸疾芎歸湯加羊肉少許或十全大補湯四物湯養榮湯服之血虛而氣旺者

宜抑氣湯即香附末

增損四物湯易簡方治婦人氣血不足四肢情怠乏力少氣兼治產後下血過多榮衛虛損陰陽不和乍寒乍熱

當歸

川芎

人參

乾薑炮

甘草炙

白芍藥各等

右咬咀每服四錢水一盞煎至六分去滓熱服

六神湯即藥治脾氣不和榮衛不足怠惰困倦不嗜飲食服之補養真氣進美飲食充澤肌膚

當歸

熟地黃

白芍藥

川芎

黃耆

地骨皮各等

右為粗末每服五錢水一盞半煎至八分去滓空心溫服

加減大其湯治婦人胎前產後一切虛損月水不調膈腹疔痛往來寒熱自汗口乾煩渴

芍藥二兩

當歸

川芎

黃耆

桂各一兩

甘草炙

白朮錢各半

右為末每服二錢半水一盞半薑棗煎六分去滓溫服食前

清氣湯治肌熱骨瘦者陰衰陽盛也是氣弱而血熱則外蒸肌肉內蒸骨髓煩渴口乾頰赤頭疼飲食無味心

神驚悸肢體痠疼或時盜汗或時欬嗽或月經斷絕或經極少俗謂血勞產後曰暮勞及羸瘦之人與清氣湯羊

乳丸治之

紫蘇子

五味子

大腹子

枳殼

桑白皮微炒

葛蒲

地骨皮

白朮

柴胡

秦艸

獨活

乾葛

甘草炙各等分

右咬咀每服五錢水一盞入紫蘇七片烏梅一個煎至七分溫服

黃耆散一名防風湯

治勞氣食後身疼倦夜間盜汗此因失血榮衛損也

黃耆一兩

白芍藥

防風

當歸

乾地黄各七錢五分

甘草半兩

右咬咀每服五錢水一盞薑三片棗一枚煎至七分去滓溫服食前

四白散

治男子婦人血虛發熱夜多盜汗不進飲食四肢羸瘦骨節拘攣脚痛不能行

黃耆

厚朴

益智仁

藿香

白朮

白扁豆

陳皮各一兩

半夏

白茯苓

人參

白豆蔻仁

天台烏藥

甘草各半兩

京南芍藥

檀香

沉香各一兩

左右為細末每服四錢水一盞薑三片棗一個煎至七分溫服

桔梗飲子_{良方} 治心氣不足解勞倦益血

黃耆

人參

麥門冬

苦梗

甘草_{各一兩}

青皮_{半兩}

右為末每服三錢水一盞煎至七分溫服

如聖散_{良方} 治婦人所稟血氣不足不耐寒暑易冒疾傷月水不調久而心虛狀若心勞四肢倦怠筋骨少力盜汗易驚或時不寤五心煩熱肌膚不長間作頭昏飲食無味胸膈不利或產前產後受病並可服之

北柴胡

白茯苓

甘草

熟地黄

人參

當歸_{各一兩}

鼈甲

胡黃連

沉香

知母_{各半兩}

桑寄生

乾葛_{各半兩}

右為細末每服二錢水一盞烏梅一個棗二枚麥門冬數粒煎至八分服無時

劫勞散 治心腎俱虛勞嗽二三聲無痰遇夜發熱熱過即冷時有盜汗四肢倦怠體勞黃瘦飲食減少夜臥恍惚

神氣不寤睡多異夢此藥能治微嗽有唾唾中有紅線名曰肺痿失治便成羸劣之疾

白芍

綿黃耆_{蜜炙}

甘草_炙

人參_{去蘆}

當歸_{去蘆酒洗}

半夏

白茯苓_{去皮}

熟地黄_{洗淨焙乾}

五味子

阿膠_{各二兩炒}

右以咀每服三錢水一盞生薑七片棗三

枚煎至九分溫服無時日三服

筒骨煎_{良方} 治諸虛疾羸瘦乏力腰背引痛心煩喘嗽嘔膿嘔血頑涎壅盛睡臥有妨胸滿氣促夜多盜汗髮焦

耳鳴皮寒骨熱一切五勞七傷骨蒸等候並皆療治

地骨皮

粉草

北柴胡

前胡

烏藥

麻黃_{鉅去}

乾葛

青蒿

苦梗

知母

天仙藤

條黃芩_{各一兩}

人參

生乾地黄

秦艽

鼈甲

黃耆_{各半兩}

右咬咀每服三錢水一盞酒一分豬筒骨一莖炙焦分為四服桃柳枝各七寸杏仁五粒去皮尖槌碎煎至七分去滓溫服加烏梅半個尤妙 一方加當歸芍藥

滋血湯 治婦人經候不通或血聚肢體麻木肌熱身重倦怠少力將成勞瘵不可妄行破血宜滋養潤利見經用補中丸余居士選方 治婦人虛損諸疾

白朮

地黃各一兩

川芎

白芍藥

當歸

黃耆

人參

陳皮各半兩

右為細末煉蜜丸如梧桐子大每服五七十丸溫水下

溫中丸潘 治衝任虛損血氣虧傷月水斷續來不應期或多或少或少腹中疝痛不時寒熱煩墜咽燥舌乾心神恍惚

頭目眩暈肢體倦怠腰背引痛筋脈拘急帶下赤白飲食進退或發寒熱

生地黃

生薑二味各一斤切碎各研取汁將薑汁炒地黃汁炒生薑汁

白芍藥二兩

人參去蘆

蒲黃炒

當歸酒洗

琥珀另研

白茯苓去皮

黃耆蜜炙

延胡索炒

麥門冬去心

烏梅肉焙各一兩

右為末別用白艾葉一斤水一斗煎取濃汁熬成膏和前藥丸如梧桐子大

每服五十丸溫米飲下空心食前

人參丸十便

養陰生血補虛

人參

鹿角膠炒

熟地黃

芍藥

當歸

白朮

川芎各等分

右為末煉蜜丸如梧桐子大每服三十九丸空心米飲下

秘方十補丸

治婦人諸虛百損榮衛不調形體羸瘦面黃背倦口苦舌乾心忪多汗血衰氣盛寒熱往來一切血

崩帶下墮胎孕此藥皆治孕婦服之尤有神效

熟乾地黃

淨洗酒浸蒸過焙乾杆重四兩

肉蓯蓉酒洗焙乾

人參

綿黃耆去蘆蜜炙

川芎

當歸去蘆酒

白芍藥浸

白茯苓

白朮去蘆洗淨

甘草炙半

肉桂一兩

右為細末用好酒調山藥末打糊為丸如梧桐子大每服六七十丸食前米湯或溫酒下

五聖丸 調益榮衛滋養氣血治衝任虛損月水不調臍腹疼痛崩中漏下血瘕塊硬發渴疼痛妊娠宿冷將理失

宜胎動不安血下不止及產後乘虛風寒內搏惡露不下結生瘕聚小腹堅痛時作寒熱

當歸

川芎

白芍藥

熟乾地黄各一兩

生乾地黄二兩

右為細末酒煮麵

糊為丸如梧桐子大每服六七十丸食前溫酒下

七補丸針硬

治婦人氣血虛弱衝任不和腹中經結狀若懷孕月候尚來未分經脈宜服此方

當歸

芍藥

川芎各三分

白芷

白朮

熟地黄

阿膠炒各二分

右為細末煉蜜丸如梧桐子大每服五六十丸空心米飲下

羊乳丸 治虛勞羸瘦

秦光

柴胡

地骨皮

山茱萸肉

黃耆蜜炙

地黄酒浸蒸過

右為末煉蜜丸如梧桐子大每服五十九丸煎人參湯下不拘時候日進三服

人參蠶甲丸

治婦人一切虛損肌肉瘦痺盜汗心忪欬嗽上氣經脈不調或作寒熱不思飲食

杏仁湯浸去皮尖炒

人參

當歸

赤芍藥

甘草炙

柴胡

桔梗去蘆各一兩

地骨皮

宣黃連去鬚

胡黃連各七錢半

肉桂去粗皮

木香各半兩

麝香另研半錢

蠶甲一枚重二兩者醋炙黃色

右為細末用青蒿一觔研爛絞汁童子小便五升酒五升同熬至二升

次入真酥三兩白沙蜜三兩再熬成膏冷方下眾藥末搜和令勻丸如梧桐子大每服五十九丸溫酒送下無時

艾煎丸凍

治婦人諸虛

六斗

三

女科

三

北艾葉

大當歸各二兩

香附子四兩

右醋蒸半日焙乾為末再用醋煮糊丸艾醋湯下

耆味丸補虛敗

黃耆四兩鹽水浸火炙

北五味二兩

右為末林米糊丸空心鹽酒下

無熱虛勞

大

婦人冷勞屬血氣不足臟腑虛寒以致臍下冷痛手足時寒月經失常飲食不消或時嘔吐惡寒

發熱骨節痠疼肌膚羸瘦面色痿黃也

薛

前證有內外真寒然有內外真熱亦有內外真熱而外假寒者又有內

真寒而外假熱者若飲食難化大便不實腸鳴腹痛飲食畏寒手足逆冷面黃嘔吐畏見風寒此內外真寒之證也

宜用附子理中湯以回陽八味地黃丸以壯火若飲食如常大便堅實胸腹痞脹飲食喜冷手足煩熱面赤嘔吐不

畏風寒此內外真熱之證也宜用黃連解毒湯以消陽六味丸以壯水若飲食如常大便堅實胸腹痞脹飲食喜寒

手足逆冷面黃嘔吐畏見風寒此內真熱而外假寒也亦用解毒湯六味丸若飲食少思大便不實吐酸噯氣胸腹

痞滿手足逆冷面赤嘔吐畏見風寒此內真寒而外假熱也亦用附子理中湯與八味丸當求其屬而治之經曰益

火之源以消陰翳壯水之主以制陰光使不知真水火之不足泛以寒熱藥治之則舊疾未去新病復生矣夫所謂

屬者猶主也謂心腎也求其屬也者言水火不足而求之於心腎也火之源者陽氣之根即心是也水之主者陰氣

之根即腎是也非謂火為心原謂肝水為腎主為肺也一婦食少作嘔口吐痰涎面黃腹痛月經不調手足逆冷

此內外俱寒之證以六君加附子木香治之而愈一婦忽嘔吐酸水內熱作渴飲食不進惟喜冷水面色青赤投

之以藥入口即吐此內外真熱之證積十餘日以黃連一味煎湯飲之徐加白木茯苓仍加陳皮當歸炙甘草至月

餘始進米飲稀粥調理而愈一婦內熱作渴大便秘結畏惡風寒手足逆冷此內真熱而外假寒先用黃連解毒

湯後用六味丸而愈一婦初患痰喘熱渴醫以降火散氣治之肌日削而氣日索延至甲辰木旺痰盛身熱口腐腹脹神昏絕食幾死此虛熱無火投以壯水生土之劑隨服隨效越數歲夏初坐則頭墜不能起視臥則背冷覺風

透體煩熱暈眩嘔痰湧手足麻冷此內真寒外假熱之證也遂以大補薑附之劑投之不一四服而大勢已平仍以前藥加減而愈 韓懋治其嫂年三十餘十八胎九殯八天會家難作驚憂過甚遂昏不省人事口唇舌皆瘡或至封喉下部虛脫白帶如注如此四十餘日或時少甦至欲自縊悲不能堪醫或投涼劑解其上則下部疾愈甚或投熱劑及以湯藥熏蒸其下則熱暈欲絕此亡陽證也急以鹽煮大附子九錢為君制以薄荷防風佐以薑桂芍歸之屬水煎入井冰冷與之未盡劑躬睡通宵覺即能識人或曰此何謂也曰方書有之假對假真對真爾上乃假熱故以假冷之藥從之下乃真冷故以真熱之藥反之斯上下和而病解矣繼以女金丹錯綜以三二方不但去其疾且調治元氣無何連生二子

以上論及治驗有無當於虛勞者而實治寒熱變通之大法不可不察也

局 大聖散

治婦人血海虛冷久無子息及產後敗血衝心中風口噤子死腹中臂開口灌藥須臾生下便得無

恙治墮胎腹中攻刺疼痛橫生逆產胎衣不下血運血癖血滯血崩血入四肢應血藏有患及諸種風氣或傷寒吐逆欬嗽寒熱往來遍身生瘡頭痛惡心經脈不調赤白帶下乳生惡氣胎藏虛冷數曾墮胎崩中不定因此成疾室女經脈不通並宜服之常服暖子宮和血氣悅顏色退風冷消除萬病兼療丈夫五勞七傷虛損等病

澤蘭葉

石膏 研各二兩

卷柏 去根

白茯苓 去皮

防風 去蘆

厚朴 去粗皮薑汁炙

細辛 去苗

柏子仁 微炒

桔梗

吳茱萸 湯洗七次焙炒各一兩

五味子 揀淨

人參

藥本 去苗

乾薑 炮

川椒 去目閉口者微炒出汁

白芷

白朮

黃耆 去苗

川烏 炮去皮臍

丹參 各三分

蘇美 微炒

甘草 炙

川芎

芍藥

當歸 各一兩三分

白薇

阿膠 碎炒燥各半兩

肉桂 一兩一分

生乾地黄 半兩

右為細末每服二錢空心臨臥熟酒調下若急疾有患不拘時候日三服

渾身碎痛飲子

治婦人勞倦

虎骨 五錢

防風

藁本

甘草

白芷

茯苓 各二

當歸

芍藥

續斷

白朮

附子 各二錢

右為粗末薑棗煎服不拘時

十全大補湯

治婦人冷勞最妙 方見雜病虛勞

當歸木香湯

治婦人血氣虛勞令人頭目昏眩語聲沉重舌根強硬言語蹇澀口舌不食白日困睡夜有虛汗神

思恍惚夢寢驚悸面色痿黃頻發喘嗽遍身疼痛腳氣走注四肢沉重背脚拘急時發寒熱五心煩燥唇乾多渴胸膈不利咽喉噎塞疰羸瘦弱經曰大脈為勞宜服

當歸

青皮

五加皮

海桐皮

陳皮

丁皮

桑白皮

地骨皮

牡丹皮

棕櫚皮 焙存性各一兩

赤芍藥

木香 各半兩

右為末每服一錢水一盞入香油一二點古錢一文洗同煎至七分不拘時溫服

熟乾地黃丸 方見前通治門

木香丸 治婦人冷勞經脈不調臍膈氣滯四肢疼痛飲食無味漸加羸瘦

木香

琥珀

吳茱萸 炮

當歸

牡丹皮

赤芍藥

三稜

附子 炮

延胡索

川芎 各三分

乾薑

人參

桂心 各半兩

北柴胡

白朮

豔甲 醋煮去裙炙

厚朴

熟地黃

陳橘皮 各一錢

右為末煉蜜丸如梧桐子大每服三十九空心溫酒下

煮肝散 治婦人冷勞脾胃虛乏大腸轉洩水穀不化四肢羸瘦口内生瘡不思飲食漸致無力

北柴胡


縮砂仁

蒔蘿

華撥 各三分

白朮

白芷



中医药大学图书馆版

胡椒

白薑

陳皮

山茵陳

人參

蕪荑仁

木香

紫苑

白芍藥

北細辛

桂心各半兩

右為細末以豬豬肝一具去脂膜切如柳葉片以新汲水洗過入葱白三寸細切入藥末半兩於鉢內以新水

一大盞入鹽醋少許以磁碗合煮令水盡空心以意食之喫前飲下食後良久飲暖酒一盞為妙晚食前熱服

礪砂煎丸 治婦人冷勞心腹積聚腹脇疼痛四肢羸瘦不食

龍甲醋炙

桃仁去皮尖 麩炒

木香

五靈脂去土 石炒

當歸各一兩

礪砂二兩 醋一升 煎成膏

右為細末用礪砂膏為丸如梧桐子大空心溫酒下二十九此方礪砂太多不宜輕用

〔有熱虛勞〕天 婦人熱勞由心肺壅熱傷於氣血以致心神煩躁頰赤頭疼眼澀唇乾口舌生瘡神思昏倦四肢

壯熱飲食無味肢體痠疼心忪盜汗肌膚日瘦或寒熱往來當審其所因調補氣血其病自瘳矣〔薛〕前證乃壯

火食氣虛火煎熬真陰之所致也王太僕云如大寒而甚熱之不熱是無火也熱來復去晝夜見伏夜發晝止是無

火也當治其心如大熱而甚寒之不寒是無水也熱動復止倏忽往來時動時止是無水也當助其腎心盛則生熱

腎盛則生寒腎虛則寒動於中心虛則熱收於內竊謂前證若肝脾血虛用四物參朮肝脾鬱怒小柴胡合四物湯

脾胃氣虛補中益氣湯肝脾血虛加味逍遙散肝經風熱加味小柴胡湯心經血虛天王補心丹肺經氣虛人參補

肺湯肝經血虛加味四物湯大抵午前熱屬氣分用清心蓮子飲方見雜病 赤白濁午後熱屬血分用四物湯參朮牡丹皮

熱從左邊起肝火也實則四物湯龍膽山梔虛則四物參朮黃耆熱從臍下起陰火也四物參朮黃蘗知母酒拌炒

黑五味子麥門冬肉桂如不應急用加減八味丸不時而熱或無定處或從脚心起此無根虛火也用加減八味丸

及十全大補湯加麥門五味主之 一婦經行不調飲食少思日晡熱甚此肝脾氣血俱虛用十全大補加山茱萸

山藥牡丹皮麥門五味而痛次年秋寒熱如瘧仍用前藥而瘳 一婦生育多胎月經不調兩足發熱年餘其身亦

熱勞則足痠痛又年許唇腫裂痛又半年唇裂見血形體瘦倦飲食無味月水不行此氣血俱衰之證彼誤用通經丸等藥復傷氣血遂致不起

黃耆散聖惠 治婦人熱勞羸瘦四肢煩疼心躁口乾不欲飲食

人參

黃耆

當歸錢各七

北柴胡去皮一兩半

黃耆

地骨皮

赤茯苓

麥門冬去心

生地黃

赤芍藥各一兩

甘草錢半

右以咀每服四錢水一

蓋薑五片煎六分去滓溫服無時

逍遙散集

治血虛勞倦五心煩熱肢體疼痛頭目昏重心忪煩赤口燥咽乾發熱盜汗減食嗜臥及血熱相傳月

水不調臍腹脹痛寒熱如瘧又主室女血弱陰虛榮衛不和痰嗽潮熱肢體羸瘦漸成骨蒸

白茯苓

白朮去蘆

白芍藥

當歸去蘆酒浸半日微炒

北柴胡去苗各一兩

甘草炙一兩半

右剉散每服三錢水一盞半薑三片麥門冬二十粒去心煎服不拘時候

一方加知母地骨皮 一方薄荷湯

下無門冬

一方名人參散治婦人血熱虛勞骨蒸兼治邪熱客於經絡痰嗽煩躁頭目昏痛夜多盜汗補真氣

解勞倦用人參白朮茯苓柴胡半夏當歸赤芍藥乾葛甘草黃芩各等分以咀咀每服四錢水一盞半生薑五片棗

二個煎至六分不拘時候溫服應有勞熱之證皆可服之熱退即止

子苓散聖惠

涼心肺解勞除熱使榮衛順血不絕

黃耆一兩

白芍藥

子苓

人參

白茯苓

麥門冬去心

生乾地黃各半兩

苦梗二錢半

右為粗末先用竹葉一握小麥七十粒水三盞薑三片煎至一盞半入藥末三

錢煎至七分去滓溫服

知母散聖惠

治婦人熱勞體瘦壯熱四肢頭疼咽喉不利少思飲食

知母

黃芩各七錢半

柴胡去蘆

生乾地黃各一兩

赤芍藥

麥門冬去心

射干

川升麻各七錢半

甘草半兩微炙

右為粗散每服四錢水一中盞入生薑半分淡竹葉二十

七片同煎至六分去滓不計時候溫服

半夏散錢

治婦人熱勞煩渴口乾體瘦無力四肢疼痛或時寒熱痰逆嘔吐不思飲食

半夏

知母

苦梗

人參

赤茯苓

秦艽

赤芍藥

麥門冬

烏梅肉各半兩

鼈甲醋炙

北柴胡

黃耆各一兩

大腹皮七錢半

甘草二錢

右為粗末每服四大錢水一盞半生薑三片煎至七分去滓溫服無時

秦艽散錢

治血經有熱月脈凝滯五心煩倦

麥門冬

秦艽各一兩

生地黃

當歸各半兩

地骨皮

鬱金

蘇木各二錢半

右為細末每服一錢半水一盞紅花少許同煎至七分溫服若經脈調不用紅花忌酒與熱物此

方可服一年

鼈甲地黃湯補遺

治熱勞手足煩心怔忡悸悶婦人血室有乾血身體羸不為肌肉

柴胡去蘆

當歸酒浸

麥門冬去心

鼈甲醋炙

石斛

白朮

熟地黃酒浸

茯苓

秦艽去蘆各一兩

人參

肉桂不見火

甘草炙各半兩

右到每服四錢薑四片烏梅半個煎溫服

胡黃連散聖惠

治婦人熱勞體瘦經脈不通四肢疼痛口乾煩渴不得眠臥飲食全少

鼈甲一兩半醋炙黃去蘆

〇〇

柴胡去蘆

生乾地黃

地骨皮

黃耆

川大黃各一兩微炒

犀角屑

胡黃連

當歸

青蒿

黃芩各七錢半



赤芍藥

木香

麝香細研入各半兩

右為粗末每服四錢以水一中盞入生薑一錢三分桃柳

心各七莖煎至六分去滓不拘時溫服

犀角散惠 治婦人熱勞心胸煩熱不思飲食四肢多疼經脈澀滯

犀角屑

黃芩

甘草炙微赤剉各半兩

赤芍藥

虎杖

茯苓

地骨皮

麥門冬去心

當歸

枳殼麩炒微黃各七錢半

柴胡去苗

紅藍花

藍甲醋炙黃去裙各一兩

右為粗散每服三錢以水一中盞入生薑半分煎至六分去滓溫服無時

紅藍花散惠 治婦人熱勞四肢羸瘦經脈不通

柴胡去苗一兩半

紅藍花

當歸

生乾地黄

赤芍藥

鬼箭羽

虎杖

大腹皮剉

麥門冬去心

土瓜根

地骨皮

枳殼

甘草炙微赤半兩

右為粗散每服四錢以水一中盞入生薑半分煎至六分去滓溫服無時

藍甲散惠 治婦人熱勞發渴壯熱四肢煩疼漸漸黃瘦心胸躁悶

藍甲醋炙令黃去裙

柴胡去苗各一兩半

麥門冬去心一兩

知母

川大黃剉碎微炒

地骨皮

赤芍藥

人參去蘆

黃芩

黃耆

桑根白皮錢各七

甘草炙微赤半兩

右為粗散每服四錢以水一中盞入生薑半分葱白五寸豉五十粒煎至六分去滓溫服無時

楊子建護命方 治婦人骨槽勞熱宮臟不調因感勞氣子母相傳邪氣千心非時驚恐如人將捕戰慄不安

桑寄生半兩

人參

茯苓

藍甲醋炙

柴胡去苗

獨活

〇〇

川芎各二錢

沉香九分

木香一錢二分

右細杵羅為末每服三錢水一盞煎兩

三沸急瀉出空心服非時和滓喫

豬肚丸聖惠 治婦人熱勞羸瘦

北柴胡

赤茯苓

人參

黃耆各一兩

黃連三兩

地骨皮

木香各半兩

桃仁

鼈甲各一兩半

右為細末用好嫩豬肚一枚淨洗將藥末入豬肚內以線縫

合蒸令爛熟於砂盆內研如膏丸如梧桐子大食前粥飲下三十丸午食前再服

胡黃連丸普濟

治婦人熱勞煩悶四肢黃瘦疼痛時有欬嗽不欲飲食

胡黃連

知母

川升麻

元參

人參去蘆

當歸

甘草炙微

檳榔

桔梗去蘆各半兩

赤芍藥

犀角屑

地骨皮

茯神

杏仁湯浸去皮尖雙仁麩炒微黃

紫苑洗去苗土

川大黃剉碎微炒

秦艽去苗

枳殼麩炒微黃去瓢各七錢半

柴胡去苗一兩

麥門冬去心焙一兩半

鼈甲二兩醋炙黃去裙襴

右為末煉蜜和搗三二百杵丸如梧

桐子大不計時候以湯飲下三十丸

益母草煎丸潘

治婦人熱勞煩悶四肢疼痛經脈滯澀腹脇妨悶不欲飲食

益母草汁一升

青蒿一升

無灰酒一升

生薑汁三合

童子小便一升

以上五味於銀器

中以慢火熬成膏

柴胡去苗

麥門冬去心

赤芍藥

桃仁湯浸去皮尖雙仁麩炒微黃

生乾地黄

鬼箭羽各一兩

鼈甲二兩醋炙去裙襴

人參去蘆

琥珀研細

地骨皮

白朮

枳殼麩炒微黃去瓢

桔梗去蘆

當歸各七錢半

麝香二錢半細研

右為末用前膏子和搗三二百杵丸如

梧桐子大食前以溫水下三十丸

青蒿丸聖惠

治婦人熱勞欬嗽肌體消瘦心膈煩熱夜多盜汗四肢痠痛食少無力

青蒿

杏仁湯浸去皮尖雙仁麩炒黃○

鼈甲醋炙黃去裙鱗各一兩半天門冬去心

柴胡去苗

地骨皮

旋覆花

紫苑洗去苗土

貝母

人參去蘆

秦艽去頭

葶藶

黃耆

川大黃剉微炒

枳殼麩炒微黃去蘆各一兩

甘草炙微赤剉七錢半

龍膽草半兩

硃砂一兩細研水飛過

麝香半兩細研

右為末入研了藥令勻煉蜜和搗三五百杵丸如梧桐子大每以麥門冬湯下

二十九不計時候

鼈甲丸治熱勞

河車詳見後條

鼈甲醋炙一兩

桔梗

白芷

大黃煨

甘草

苦參

貝母

知母

秋石

政心

龍膽草

黃藥子

義木

犀角屑

消石各半兩

右為末以前膏子為丸湯使如前極有效

雞蘇丸治虛熱昏冒倦怠下虛上壅嗽血衄血

雞蘇葉半兩

黃耆

苦梗各半兩

防風

荊芥穗

生乾地黃

甘草

川芎

甘菊花各二錢半

真腦子半錢

右為細末煉蜜丸如彈子大每服一丸

用麥門冬去心煎湯嚥下又治肺損吐血目漸乏力瘦弱行步不得喘嗽痰涎飲食不美或發寒熱小便赤澀加

車前子二錢半每服一丸煎桑枝湯嚥下日可六七服桑枝剉炒香每用水三盞煎至一盞去滓下藥

療骨蒸熱

五勞六極七傷諸證治已見雜病虛勞門茲不贅敘婦人致此多因經行胎產或飲食起居七情重傷

肝脾之所致又或失於調攝或過於攻伐而成與男子治法稍有不同故彙集古今藥方專治婦人者於此若欲

窮其源流更當稽考各書

補虛治瘵疾得效方河車丸 治勞嗽一切勞瘵虛損骨蒸等疾

河車一枚初生男子者尤良於長流水中

雪白茯苓半兩

揀參一兩

乾山藥二兩

右為細末入河車汁加麴糊為丸如梧子大以少麝香末為衣每服三五丸米飲溫酒鹽湯送下空心服嗽甚

者五味子湯下

十全大補湯方見雜病虛勞

治氣血虛熱加柴胡地骨皮秦艽

補虛退熱潤燥

黃耆九聖

治婦人骨蒸煩熱四肢羸瘦疼痛口乾心躁不得眠卧

黃耆

麥門冬去心

茯神

北柴胡

甘草

生乾地黃各二兩

酸棗仁炒

郁李仁

杏仁去皮尖雙

枸杞子

人參去蘆

黃芩各二兩

百合

枳殼去瓢炒

赤芍藥

知母

秦艽各二兩

龍甲二兩

右為細末煉蜜為丸如梧桐子大清粥吞下三十丸無時候

地黃煎丸解勞生肌進食活血養心

生地黃汁

杏仁汁

生薑汁

藕汁各五升

薄荷汁

鵝梨汁各一升

法酒二升

沙蜜四升

右慢火熬成膏入後藥

北柴胡三兩

木香

人參

茯苓

山藥

柏子仁去殼炒

遠志肉

枳實製炒

白朮各一兩

秦艽

苦梗

麝香半兩

熟地黃洗焙酒蒸四兩

右為細末以前膏子和丸如梧子大食後甘草湯下二十丸

攻補兼施人參散濟

治婦人骨蒸勞身體壯熱手臂疼痛月水不通日漸瘦悴兩脇氣刺四肢羸弱腹內塊生

時有咳嗽不欲飲食

人參

龍甲醋炙黃去裙襴

柴胡去苗

地骨皮各三兩

羚羊角屑

赤茯苓



枳殼麩炒微黃去畝

牛膝去蘆

貝母

桔萸根各二兩

知母一兩

赤芍藥

桃仁湯浸去皮尖雙仁麩炒微黃各一兩

黃芩

當歸各七錢五分

右為細末每服半兩以豬肝一具同

鹽醋葱白各少許和煮空心食之後飲溫酒二盞

赤茯苓麩炒

治婦人骨蒸及血勞等疾面色黃瘦四肢無力煩疼痰壅涕唾稠粘不思飲食

鼈甲製如前

赤茯苓

柴胡去苗

麥門冬去心

川大黃劉碎微炒各一兩 人參去蘆

木香

桃仁製如前

白木

瞿麥

赤芍藥

當歸

半夏湯洗七遍去滑各七錢半

右為粗散每服四錢以水一中盞入生薑半分煎至六分去滓溫服無時

攻積 天門冬丸全

治伏連傳注腹中有堅硬積氣壅心胸作癢痛引脇背脘膈滿悶

鬼白

天門冬去心各七錢半 巴豆

莽草

不蛀皂角

葉子雄黃略一

右為細末煉蜜為丸如小豆大每服二丸漸加至三五丸空心湯水吞下臨臥一服常宜

酌勿令泄瀉忌鯉魚山豬蘆筍

破血劫痰 麥煎散類永

治少男室女骨蒸婦人血風攻症四肢心胸煩壅

赤茯苓

當歸

乾漆生

鼈甲醋炙

常山

大黃煨

北柴胡

白木

石膏

生乾地黃各一兩

甘草半兩

右為細末每服二錢水

一盞小麥五十粒煎食後臨臥溫服有虛汗加麻黃根一兩東坡云在黃州療骨蒸黃瘦口臭肌熱盜汗極效故

寶此方如希世之珍

通經破血 牡丹湯濟

治婦人骨蒸經脈不通漸增瘦弱

牡丹皮半兩

桂去粗皮

木通劉炒各一兩

芍藥

土瓜根各一兩半

鼈甲醋炙去裙襴二兩